



Ex-Libris Julien Félix



Abram C. Cutter.



R E C I T
V E R I T A B L E
D E S D I S C O U R S

tenus entre les trois Figures qui
sont sur le Pont au Change, sur les
affaires de ce temps.

AYANT souppé chez vn de mes amis le iour du Mardy Gras,
ie partis sur les vnze heures du soir pour retourner en mon logis,
sans peur aucune des filoux, dont l'absence de la Cour nous ga-
rantit. Je rencontré fort peu de monde par les ruës; Le Blocus
de cette ville & la Conjoncture des affaires presentes, ayant in-
terdit les reioüissances que l'on a coustume de prendre en ces iours, nom-
mément sur le Pont au Change où ie passé, ie ne vis qui que ce fust. Ce qui
me fit arrester tout court le lacquais qui portoit vn flambeau deuant moy,
ayant entendu cracher plusieurs fois comme vne personne qui s'appreste
à discourir: Ayant regardé de tous costez sans voir personne, ie leuë les
yeux en hault, & reconneus que c'estoit la Figure du feu Roy, qui par vn
prodige tout nouueau auoit l'vsage de la parole. Cela m'eust estonné da-
uantage en vn autre temps que celuy-cy où nous ne voyons que merueil-
les, & choses tout à fait esloignées de l'ordinaire, ma curiosité me fit arre-
ster tout court, & i'entendis mot pour mot les discours suiuaus, que i'ay
trouuez trop considerables pour n'estre pas reuelez au public, ayant pour
tesmoins irreprochables deux lacquais qui me suiuoient, & toutes les En-
seignes qui sont dessus le Pont. La Figure du feu Roy dans la mesme po-
süre qu'elle est, ayant seulement incliné la teste, parla ainsi qu'il suit, à la
Reyne.

MADAME, l'esperance que i'ay toujours eüe, qué vous feriez cesser
les desordres de l'Estat, m'a fait long-temps demeurer dans le silence, mais
voyant les choses dans l'extremité, tout le Royaume du Roy vostre fils & du
mien, dans vne guerre espouuentable & en proye aux ennemis: Je n'ay pü
rester dauantage, sans vous dire que vous estes obligée en conscience, de
faire cesser tous ces troubles, puisque vous le pouuez, en quitrant les mau-

306
H. 22-669 (55)
uais conseils de ceux qui vous ont conduit imperceptiblement dans les precipices & dangers dans lesquels tout l'Estat va tomber, si l'on ne luy donne secours pour le relquer au plus tost. Lors que ie eus recogneu les defauts du feu Cardinal de Richelieu trop tard pour mes sujets, puis que c'estoit apres sa mort & apres les auoir fait long-temps souffrir, ie tasché d'y remedier, mais Dieu me voulant retirer hors du monde pour me faire rendre compte de mon gouuernement, l'esperé que la Pieté que vous m'auiez toujours fait paroistre pendant le ministere du Cardinal de Richelieu, & que toute la France admiroit, ne seroit point diminuée par l'authorité que ie vous laissois entre les mains; Et ie pensé que vous feriez tout vostre possible pour retirer le pauvre Peuple dont ie vous laissois la Regence, des miseres & des necessitez où mon Indulgence les auoit laissé tomber, cognoissant les desordres que causent l'ambition, & l'auarice d'un Ministre qui gouuerne seul sous le nom de l'authorité Royale. Je vous laissé cinq Conseillers, par l'aduis desquels ie vous prié de conduire cette grande Monarchie afin que les vns & les autres fussent temperez ensemblement pour le bien de cet Estat. Mais vn seul, tres-pernicieux, preuallut sur beaucoup d'autres. Et le Gouuernement demeura entre les mains du Cardinal Mazarin, homme que ie n'auois jamais recogneu si meschant, que toutes ses actions faites depuis, me l'ont fait cognoistre. Et comme si vous eussiez esté preuenü ou obsedé par quelque charme, vous luy laissastes le Gouuernement à l'exclusion des autres que ie vous auois nommé par ma dernière volonté. L'emprisonnement de mon Cousin de Beaufort, l'exil des Euesques de Beauuais & de Lisieux, ne pouuoient-ils pas vous donner des marques assurées, que cet ambitieux vouloit se rendre maistre absolu de vos volontez, aussi bien que de l'Estat? Toutes les autres actions qu'il a faites depuis en assez bon nombre, pour meriter vn supplice & vn chastiment exemplaire. La necessité mise par toutes les Prouinces, l'indigence dans les coffres du Roy, l'atentat mesme commis en sa personne depuis vn mois & demy, ne peuuent elles rompre ce bandeau qui vous empesche de voir ouuertement sa malice? Ie ne puis croire qu'on ne vous cache ce qui se passe, & que toute la France a les armes à la main, que tous vos sujets se vont couper la gorge les vns les autres, si vous ne les desarmez en leur donnant la paix, qu'ils desirent depuis si long-temps, & dont ils ont tant de besoin. Iamais vn Conseil semblable à celuy qu'il vous a donné, de vouloir affamer vne ville florissante & peuplée comme Paris, dont les necessitez du Roy sont plus soulagées que de tout le reste du Royaume, n'auroit peu m'esbloüir à ce point, que pour satisfaire à ma colere contre quelque particulier, ie m'en passé & voulusse seruir, c'est auoir entierement quitté les volontez que les Souuerains sont obligez d'auoir pour la conseruation de leurs peuples, que de les opprimer, de permettre les voleries, les brigandages, les incendies, les massacres, les violemens mesme des Religieuses, c'est auoir mis bas les sentimens du Christianisme. Ie ne suis pas icy fort sur ma dernière volonté, dont vous auez fait si peu de conte: Ie ne m'arrete point à beaucoup de particularitez pour lesquelles vous serez tres-rudemment re-

prise deuant le Tribunal de la diuine Iustice où vous trouuerez que l'on ne se justifie point, & où la qualité ne fait rien que pour rendre les fautes plus pesantes, mais ie parle de ce qui se commet aujour d'huy, dont il n'y a qui que ce soit, qui vous puisse defendre de la peine de ces crimes, puis que celuy qui permet le crime, n'est pas plus innocent que celuy qui le commet. Ie parle dy-je de tous ceux que vostre colere se sacrifie, dont le sang repandu crie vengeance deuant Dieu. Ie parle des embrasemens & de toutes les pilleries qui se font sous vostre autorité avec grande offence. Et il n'y a qui que ce soit, qui puisse dire que vous soyiez exempt de restituer tout ce qui se volle à vos sujets, à peine de damnation eternelle. Songez à ce que vous faites, voyez clairement & sans passion ce qui se fait : Informez-vous vous-mesme des volontez des vns & des autres, sans souffrir la flaterie de ceux qui vous obsèdent, qui sont pires mille fois que des demons. Que l'innocence du Roy, vostre Fils & le nostre, ne soit point punie pour vostre faute, & rentrant enfin dedans vous-mesme, rendez au Roy ce qui luy appartient, qui sont toutes les acclamations & tous les seruices que son peuple luy desire ; Rendez, rendez à vos Sujets ce que vous leur deuez, qui est la paix, la justice & la conseruation de leurs biens ; Rendez-vous à vous-mesme ce que vous vous deuez, en acquittant vostre conscience, & la mettant à couuert de tant de crimes, desquels vous rendrez compte tres-exact & tres-rigoureux deuant Dieu.

Ces dernières paroles furent prononcées d'une voix vn peu plus aigre & plus rude que le commencement : Et cette Figure ayant quitté la parole, celle de la Reyne ne tarda gueres à luy respondre, à peu près comme ie vais le reciter.

SIRE, l'aduouie que c'est vne grande extremité où est reduit tout l'estat, puis que pour faire regner la Iustice, Et maintenir l'autorité Royale ie suis obligée de permettre, & de faire agir les supplices pour punir des Rebelles, & des Refractaires aux commandemens du Roy, pour leur monstrier qu'ils ont tort de mesconnoistre leur Souuerain, & cette autorité absoluë de leurs Monarques : Mais lors que les Sceptres sont dans les mains des Roys, ils ont aussi bien l'Espée pour punir les Couppables, comme les bien-faits, & les graces pour recompenser les Vertueux ; & puis qu'ainfi est, que vous auez semblé me blâmer de ce que j'ay fait, ie veux vous en rendre conte, & vous faire voir qu'il n'est pas difficile de m'excuser. Apres que j'eux rendu, & fait rendre les derniers deuoirs à vostre memoire, ie mis tout mon pouuoir à faire estendre les bornes de ce Royaume, & Dieu secon dant mes vœux, me donna en peu de temps des aduantages tres-considerables, lesquels estant obligé apres Dieu, de referer à la prudence du Cardinal Mazarin, & à la valeur du Prince de Condé d'aujour d'huy, j'eus raison ce me semble, de preferer ce Ministre, à tous les autres, que vous m'auiez laissé, n'en voyant pas vn qui prist tant de peine à me complaire que luy, & à suivre mes volontez : Vostre exemple m'estoit tousiours deuant les yeux, & ayant veu que vous auiez laissé le Gouvernement entier, pendant vostre viuant, au Cardinal de Richelieu, ie n'estimay pas mal faire de

lifferauffi vn semblable Cardinal, qui regit le timon de l'Eftat, puis que vous-mesmes vous ne m'auiez pas trouué capable de le faire toute seule. Il pensoit à ma conseruation, & moy ie traueille à la sienne, voyant assez que i'auois besoin de luy. Le Duc de Beaufort entra en jalousie de voir que l'estimois ce Cardinal, & ayant conspiré sa ruïne, ie fus obligée de le faire arrester, pour garentir celuy que j'aimois : & de faire retirer ceux qui estoient de son intrigue. Qui peut dire qu'il y ait jamais eu Ministre d'Estat qui aie trouué plus de moyens de leuer de l'argent dans la France, que luy ? A-t'il laissé quelque inuention dont il ne se soit pas seruy pour trouuer dequoy maintenir l'autorité du Roy ? Où voit-on que les reuenus du Roy de France, d'une seule année se soient montez à cent & trente millions, comme il a fait monter ? apres quoy, ie croy n'auoir pas beaucoup dequoy me iustifier de ce que quelques petits lie ne sçay qui du Parlement, s'estant opposez directement à l'autorité absoluë du Roy, ont tasché par toutes sortes de moyens, de trauerfer les bons desseins du Cardinal Mazarin, qui sans leur entreprise auroit encor leué cette année plus de dix millions par des moyens, tous nouueaux. Je fus obligée pour maintenir cette autorité independante, du Roy, d'en faire arrester quelques vns : Et le Peuple ayant esté assez insolent pour prendre les armes à cause de deux que l'on auoit fait arrester, le leur rendis, voyant bien que ie n'estois pas la plus forte, avec resolution de n'en pas demeurer là : quelque temps apres i'en mené le Roy hors Paris, pour leur faire peur, ie fis approcher les troupes. Enfin à la sollicitation de son Altesse Royale ie leur laissé faire vne Declaration telle qu'ils voulurent, ayant bien dessein de n'en rien faire executer : mais si tost que la paix seroit faite en Allemagne, de faire venir toutes ces Belles gens-là à la raison. C'est ce que i'ay fait du conseil & de l'aduis de mon frere le Duc d'Orleans, & de mon Cousin le Prince de Condé, lequel a entrepris luy-mesme par les traux continuels qu'il prent, de les faire venir la corde au col demãder pardon : ce que ie ne tarderay plus guere à faire executer.

A peine auoit elle acheué ces dernieres parolles, que la figure du feu Roy reprit en ces termes.

Enfin, Madame, vous estes extremement zelée pour l'autorité Royale, mais plustost pour la tyrannie, que vous honorez de ce beau nom. Sçauiez vous que c'est deffigurer l'Image de la diuinité, que de ternir ainsi ceste belle authorité du Roy, qui est sa viue image ? L'on voit icy que les Estats Monarchiques sont plus recommandables que les autres, parce qu'ils approchent le plus de la diuinité, qui estant le principe de toute chose, il en est aussi la fin ; Les Roys aussi à l'imitation, & exemple de leur Createur, doiuent estre le principe de toutes les bonnes actions, qui se doiuent, & peuuent faire, en doiuent aussi estre la fin, puis que le tout retombe à leur gloire & à leur honneur, qui sera d'autant plus multiplié qu'ils auront pris de peine à faire leur deuoir, & à satisfaire à ce, à quoy ils sont obligez par la toute puissante main de Dieu. L'Authorité des Roys n'est pas venerable, en tant qu'elle consiste dans vne independance telle que les Flatteurs qui vous enuironnent, vous la font conceuoir : elle tire tout son

son lustre, & son plus bel ornement de dependre, mais de la raison, de l'équité & de la Justice, & dès lors qu'elle se dispense, elle entre dans la tyrannie qui est autant detestable, que l'autre est à venerer. Vous dites que vostre Cardinal Mazarin, est extremement amateur de cette autorité que vous voulez garder inuiolable, & par ce que j'ay dict vous pouuez voir qu'il affecte la tyrannie: vous treuues bon qu'il aye treuue des inuentions inouyes, pour leuer des nombres immenses de millions, & ne considerez pas qu'il a ruyné vostre Estat, puis qu'il a ruiné tout vostre peuple. Que fera le Roy, lors qu'estant Majeur il voudra entreprendre quelque chose? Les domaines sont engagez, toutes les forests vendues, les villages abandonnez, les terres desertes, les villes n'ont que peu d'habitans qui portent tous la viuë image de la mort. Sera-ce pour lors le Cardinal Mazarin qui suscitera de nouueaux moyens de l'aider, comme le pourroit faire ce Peuple qu'il a pillé avec tant d'effronterie? Les biens des peuples ne sont pas en la possession des Roys, comme on vous le fait croire, les Roys leur ont donnez de Dieu pour maintenir tous leurs Sujets en paix, & en la possession legitime de leurs biens. Ce qui se voit plus clair que le iour, par cette maxime, que les Roys ne sont que pour les peuples, mais il ne se peut pas dire que les peuples soient pour les Roys. Et ce dont vous estes le plus à blasmer, c'est de mespriser vn de vos Parlemens, le plus celebre & le plus auguste Corps des Officiers de France, duquel vous auez osé en faire emprisonner quelques vns des plus gens de bien que vous appelez de Belles gens. Vous voulez dire que vous maintenez l'autorité Royale, & vous la ruallez au plus bas, en la mesprisant dans ceux qui la rehaussent, & que vous opprimez. Vous les appelez Rebelles, en ce qu'ils sont fideles à leur Roy; & desobeissans, parce qu'ils veulent maintenir son bien & son plus bel apennage, qui est la Justice; Vous armez contre eux, & les forces que vous deuriiez tourner contre l'Ennemy commun de l'Estat, vous les tournez contre vous-mesme en les tournant contre le seruice du Roy, en donnant toutes nos Conquestes & toutes les Frontieres en proye aux Ennemis, comme si l'on estoit avec eux d'intelligence. Dauantage, quand bien cela ne feroit pas, que quelques vns du Parlement auroient choqué l'autorité Royale. Pourquoy faut-il que deux cens mille innocens, voire toute la France souffre pour des particuliers? Et vous dites que vous auez les consentemens de mon frere le Duc d'Orleans, ou plustost celui de son valet, celui de mon Cousin le Prince de Condé, mais songez, c'est vn jeune homme que le feu de son courage emporte sans le laisser considerer assez attentiuement l'importance de ce qu'il entreprend. Ainsi vous voyez que tout ce que vous pouuez dire, est inutile. Pour moy, ie vous demanderay conte deuant le Tribunal de la Justice de Dieu, de tous les Sujets dont ie vous ay laissé la Regence. Le peut-estre que le Roy vostre Fils, & le mien, lors qu'il sera en majorité, vous fera rendre compte de ce que vous faite aujourd'huy à nos despens & à nostre confusion. Ne flattez donc pas ce dessein que vous auez, de vous vanger, de l'esperance que vous auez que le Prince de Condé requira bien-tost tous les habitans de cette grande ville.

à venir la corde au col demander pardon, puis qu'ils n'ont point offensé, & soyez tres-assurée que si le respect ne les retenoit, & qu'ils ne vous considéraient comme la Mere de leur Roy, ayant beaucoup plus de forces que vous, ils pourroient vous faire repentir tout à loisir de ce que vous auez entrepris avec trop de temerité, de promptitude, & d'inconsideration. Et craignez enfin que Dieu ne se serue de tous ces troubles pour vous punir desicy bas, des crimes & des offences qui se sont commises contre luy sous vostre autorité. La Reyne parut fort surprise de voir que tout ce qu'elle auoit dit, auoit esté refusé si iustement, mais elle le fust encore dauantage lors que la Figure du Roy luy dit,

M A D A M E, tout ce que vous auez mis en auant, ayant esté mis au neant par des raisons si viues & si pressantes, vous ne deuez point tarder à vous recognoistre, ny à faire cesser tous les troubles qui causent vne consternation si generale par toute la France. Je croyois vous auoir obligation, des soins que vous vouliez prendre, de conseruer mon autorité, que vous me persuadiez facilement estre lezée par les assemblées du Parlement & des autres Cours souueraines pour s'opposer aux mauuaises volonteiz du Cardinal Mazarin. Mais au contraire, ie voy que vous m'auez voulu tres-sensiblement desobliger en m'esleuant dans la pensée, que les Roys doiuent estre tyrans, & non pas raisonnables, & me faisant conceuoir vne haine contre tous mes Sujets, que ie n'ay iamais pû croire auoir de mauuaises volonteiz pour moy. Combien de fois vous ay-je dit depuis que nous sommes hors Paris, que i'y voulois retourner, & que i'estois bien assuré, quoy que vous me disiez, que l'on vouloit attenter à ma personne, que par tout l'on crierait viue le Roy. Vous auez refusé d'entendre les Gens du Roy de mon Parlement de Paris, lors qu'ils sont venus vous faire leurs tres-humbles Remonstrances: Et vous n'auez pas voulu seulement permettre que ie les visse. Lors que l'Archeuesque de Thoulouze est venu icy vous dire, qu'en conscience vous estiez obligée à entendre à vn accommodement: vous luy auez respondu que vous estiez toute preste d'y entendre, mais que vous vouliez maintenir l'autorité Royale; Mais il se trouue que cette autorité que vous voulez m'attribuer, n'est autre qu'une tyrannie tres-injuste; & qu'au lieu du nom de Roy, vous voulez me qualifier du nom de Tyran.

I'ay sujet de suiure les mouuemens que i'ay receus du discours du Roy, mon tres honoré Seigneur & Pere, & vous asseurer que lors que ie seray hors de la minorité, j'espere que le bon Dieu me donnera du monde apres de moy, qui me fera voir clairement la verité, ie vous feray rendre compte en plein Parlement, de vostre Regence, & de l'administration de mon Royaume, & sera tres iuste que ceux qui vous ont receuë pour Regente, examinent de quelle façon vous vous estes comportée dans le Gouvernement de l'Estat. I'ay toujours remarqué toutes les fois que i'ay tenu seance en mon Parlement, que chacun me portoit fort grand respect, & que si quelques vns tesmoignoient du mescontentement, ce n'estoit pas de me voir, mais à cause du sujet pour lequel i'y allois, qui a tousiours esté pour augmenter les subsides, & les impôts, & surcharger mes Sujets.

de quelque nouvelle meschanceté ; vous faictes que ce Cardinal que vous supportez, vienne icy me caresser, m'apprendre de petits jeux, me donner des Bijoux & autres badineries : & pensez-vous que ie sois toujours Enfant ? & quoy que vous fassiez tout vostre possible, pour m'oster le dessein que i'ay, de cognoistre le plustost que ie pourray, ce qui se passe dans mon Royaume, le vous assure que ie voy que toutes ses actions ne sont que fourberies, ce que ie remarque mesme dans le ieu ; & selonc ce que i'entends de tout le monde, qu'il ne fait aussi que vous tromper. Puisque toutes les desordres qui sont dans cét Estat, ne sont pas encor hors d'accommodement, entendez-y le plustost qu'il se pourra. le vous en prie, Madame, par les plus tendres sentimens d'affection que vous m'ayez iamais resmoigné. Je vous en coniure par tous les actes de pieté, que vous reiterez si souvent : Faites ; Madame, que ie retourne au plustost à Paris, d'où ie ne puis estre long-temps absent, sans m'ennuyer tresfort, tous les diuertissemens que vous me pouuez faire prendre icy, estant trop foibles, pour m'oster la pensée que i'ay, que l'on me desire à Paris avec impatience.

Je vis bien que la Reyne auoit esté extremement estonnée d'entendre ces deux derniers discours ; Car sur la fin du precedant ayant mis la main sur son estomac pour se iustifier, lors qu'elle vit que le Roy commençoit aussi à parler, elle demeura comme toute interdite, & resta dans cette posture, ayant attendu quelque temps, & veu que tout estoit extremement paisible, & dans vne grande tranquillité comme auparauant, i'aduança pour gagner mon logis, & i'entendis d'une voix confuse, les vrais moyens d'accommodement sont, de faire reuenir icy le Roy au plustost, de conuoker les Estats Generaux du Royaume, avec toute la liberté des suffrages, & des deputations : Et faire cependant executer de point en point, la Declaration du mois d'Octobre dernier. Je fis tout mon possible pour scauoir d'où venoit cette voix, mais ie n'en peus rien apprendre : ie m'en reuins aussi tost chez moy, où ie mis la main à la plume, afin que tout ce que i'auois entendu, ne m'eschappat de la memoire : i'en fis lecture deuant mes Lacquais, qui m'assurerent le tout contenir verité. Et auioird'huy ie les ay donnez pour les faire voir au public. Voyez, Amy Lecteur, quelle esperance nous deuous auoir de l'issuë de ces affaires, puisque les choses inanimées s'interessent pour nostre salut & prosperité. Et que la Bronze a l'usage de la parolle, pour apprendre à nos ennemis, ce qu'ils sont obligez de faire. Que sera-ce encore quand Monsieur le Duc de Longueuille avec vingt trois, ou vingt quatre mille mains, plus que Briarée viendra secourir nos demy Dieux. Que cette esperance seule nous console, de ce que le pain est vn peu chair, & cependant n'espargnons ny nos Bourses, ny nos personnes pour concourir avec ceux qui traouillent à l'establissement de nostre liberté.

A PARIS,

Chez PIERRE TARGA, rue Saint Victor au Soleil d'Or.

M. DC. XLIX.


The first of these is the fact that the
 the second is the fact that the
 the third is the fact that the
 the fourth is the fact that the
 the fifth is the fact that the
 the sixth is the fact that the
 the seventh is the fact that the
 the eighth is the fact that the
 the ninth is the fact that the
 the tenth is the fact that the

The first of these is the fact that the
 the second is the fact that the
 the third is the fact that the
 the fourth is the fact that the
 the fifth is the fact that the
 the sixth is the fact that the
 the seventh is the fact that the
 the eighth is the fact that the
 the ninth is the fact that the
 the tenth is the fact that the

The first of these is the fact that the
 the second is the fact that the
 the third is the fact that the
 the fourth is the fact that the
 the fifth is the fact that the
 the sixth is the fact that the
 the seventh is the fact that the
 the eighth is the fact that the
 the ninth is the fact that the
 the tenth is the fact that the

The first of these is the fact that the
 the second is the fact that the
 the third is the fact that the
 the fourth is the fact that the
 the fifth is the fact that the
 the sixth is the fact that the
 the seventh is the fact that the
 the eighth is the fact that the
 the ninth is the fact that the
 the tenth is the fact that the

The first of these is the fact that the
 the second is the fact that the
 the third is the fact that the
 the fourth is the fact that the
 the fifth is the fact that the
 the sixth is the fact that the
 the seventh is the fact that the
 the eighth is the fact that the
 the ninth is the fact that the
 the tenth is the fact that the



SECOND DISCOVRS

O V

DIALOGVE,

DES TROIS FIGVRES DE

Bronze, qui sont sur le pont
au Change.

Le Roy d'aniourd'huy, au feu Roy.



E vous suis obligé, SIRE, de ma naissance,
Et du Sceptre Royal que m'avez mis en main,
Mais ie me plains à vous de l'extreme indigence,
Où mō Peuple est reduit par vn traistre inhumain,
Duquel l'ambition, l'orgueil & conuoitise,
Ruine toute la France, & la met en chemise.

Le Roy defunt à la Reine.

He ! qu'est-cela, Madame, souffrez-vous ce desordre ?
Où est vostre prudence, & vostre pieté
Quand ie suis mort la France estoit en si bon ordre,
A present on y void qu'horreur qu'impieté,
Et au lieu des douceurs d'une paisible vie,
Vous y introduisez l'horrible tyrannie.

La Reine Mere.

SIRE, pardonnez-moy, ie vous iure en mon ame,
 Que ce n'est pas par moy, que ce mal est venu,
 Les Ministres d'Estat doiuent porter ce blasme,
 Car trompans ma bonté, ils m'ont circonuenue,
 Mazarin, d'Emery, le Chancelier de France,
 Avec les Partisans, ont pillé la Finance.

Le Roy deffunt.

Iel'auois bien preueu, & par mon ordonnance
 Et dernier Testament, expres i'ay deffendu,
 Qu'on ne vous donna point, de mon Fils la Regence,
 Vostre Espagnol caprice, m'estant assez connu,
 Mais la Cour abusée, de vostre hypocrisie,
 Mesprisant mon aduis, fit à sa fantaisie.

Le Roy d'aujourd'huy.

C'est à moy chose honteuse, à la Royne vn grand blasme
 Pendant les ieunes ans de ma minorité,
 De me sousmettre aux loix de ce Ministre infame,
 Qui dérobe à mon Sceptre toute l'autorité;
 Et pour ses passions, a pour bourreaux mes Princes,
 Qui remplissent de meurtre & de sang mes Prouinces.

La Royne à son Fils.

Ha: mon fils, ie l'aduouë, ie suis enforcelée,
 I'ay les yeux esblouis, l'entendement perdu,
 I'ay le cœur endurcy, & mon ame obstinée:
 Car i'ay pour Mazarin, vos thresors dependu,
 Mais vous aurez bien-tost de ce mal la vengeance,
 En luy ostant la Vie, & à moy, la Regence.

